



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Nucleus Casuum Conscientiæ Sive Brevis Notitia Eorum  
quæ scitu vel necessaria, vel valde vtilia sunt  
Confessarijs in primo ingressu ad audiendas Confessiones**

**Agostini, Giuseppe**

**Coloniae Agripp., 1644**

De 7. Præcepto.

**urn:nbn:de:hbz:466:1-41767**

DE VII. PRÆCEPTO  
Decalogi.

*Non furandi.*

*Quid, & quotuplex sit Iustitia.*

**I** Hoc præceptum, pertinet ad iustitiam seruandam circa bona temporalia, & externa. Est autem Iustitia triplex, Legalis, Distributiva, & Commutativa. Definitur autem in communi Iustitia esse Constans voluntas ius suum unicuique tribuendi. Legalis respicit ius communis, & consistit in perfecta legum obseruantia, propter bonum commune. De qua *S. Thom. 1. 2. q. 68.* Distributiva, & Commutativa respiciunt ius particularium personarum; vnde dicuntur iustitiæ particulares. Distributiva consistit in distributione bonorum communium facienda à Principe, vel Communitate Ciuibus, secundum proportionem meritorum, aut dignitatum, &c. Commutativa verò, quæ est perfectissima Iustitia, respicit iura particularia

Ci.

Ciuium in sua bona, per quam vnusquisque vult ius alterius seruare illa sum, & si læsum fuerit resarcire: & hæc primò versatur circa mutua hominum commercia in bonis proprijs vnus cuiusque. Et de his *S. Thom. ibid. quest. 61.*

### *De Contractibus.*

2 **H**Æc iustitia, & eius opposita iniustitia solet vt plurimum versari circa humanos Contractus. Est autem cōtractus latissimè aliqua actio, seu conuentio inter duos, vel plures ad aliquid faciendum, siue ex ea sequatur obligatio, siue non. Si autē sequatur mutua obligatio, erit propriè, & strictè cōtractus: si verò vnus tantum obligatio sequatur, erit cōtractus minus strictè, & ferè coincidit cum pacto. Sic ergo cōtractus propriè est conuentio, seu pactū inter plures, obligationem saltem in altero pariens.

3 Ad perfectionem cōtractus requiritur interior cōsensus aliquo signo externo significatus. Potest autem primò significari re ipsa, seu traditione rei: vt

M de-